

東塘集卷之八

吉水 毛 伯溫 著

七言律詩

一百二十七首

鄂院一鑑亭和韻

盈盈出土何許泉應知一脉江漢連水上軒亭若無
地池中星斗忽有天苻錦初分衆鯉躍莎衣不動雙
鳧眠往來憲節誰定主風景感人自歲年

送范以載之蜀

西江風節兒童誦北獄忠誠 聖主知巴蜀迢迢移
楫遠湖湘渺渺過家遲捲簾風雨嗟新事出峽烟波

憶舊詩容易相逢不易別寒猿暮送楚山悲

送周主政

漢浦帆開日未斜飛鷗浴鷺起晴沙使君持節還燕
薊楚澤行盃眺閩巴萬里長風驅暑熱千門白晝稱
繁華丈夫不洒離筵淚四海車書況一家

送牟汝登

兩江夾岸成文水萬嶺盤空出巽峰吾邑山川開壯
麗君才省署足從容雨沾桃李綠村舍風動桑麻被
野重爲政直須青簡述揚親不獨紫泥封

登東巖草亭

策馬侵晨出北郭捫蘿向午到東巖莓苔古石窺秦
刺波浪長江見楚帆滿地稻梁喧鳥雀半峯煙霧鎖
松桺草亭坐久渾忘去大別山高日欲銜

白雲深處和韻爲荆殿下作

萬壑千巖深復深白雲出處本何心常依北極瞻堯
日懶向西郊作傅霖松塢看山閒倚杖竹林拂石坐
調琴更開月色池蓮見應訝姮娥墜玉簪

送方方伯

楚水三年傳異政滇山萬里赴新衙馬停古道雲千
樹鳥落寒村日半巖椰葉引風搖使旆棠花拂雨濕

征衫到時好起歸鴻過慰我相思

冬至寫懷和韻

年年冬至未能歸
悵望孤雲天際飛
上國衣冠朝會遠
故鄉戎馬信音稀
閭閻到處多貧戚
簡牒他時有是非
獨坐窮愁隨日長
柏臺清晝掩重扉

渡漢謁吳東湖中丞和韻

爲謁先生渡漢江
未聞高論已心降
寒梅帶雪低橫舫
晴竹和煙密映窓
酒渴翻杯傾巨海
詩狂捉筆禿長杠
還舟不覺龜山暮
萬里清風白鶴雙

兩溪贈羅汝延

八分山前分兩溪
兩溪合流山之西
春光曉動波瀾細
秋色夜含星斗低
即看濟巨運舟楫
豈獨灌漑盈田畦
靈地古來多傑士
事業還期尚父齊

黃鶴樓再用崔韻

荆楚驅馳三閱歲
簿書休暇四登樓
江山勝槩乾坤迥
雲鶴仙跡日月悠
春浦歸帆風滿樹
夕陽落鴈草平洲
翠華東望金陵近
閃閃旌旗動旅愁

見會試錄喜而有作

一榜連登八士雄
五人不出七名中
湖湘文物于今盛
洙泗源流自古同
三殿傳臚官漏曉
九衢走馬杏

花紅喜來忽漫成詩句詩罷長吟喜更深

挽劉司諫景瞻

爲政才猷稱巨邑敢言風義美南科每逢轅轅奚爲者久繫園扉柰若何天爲我邦留正氣人傷爾命益悲歌含情更憶平生事短劍誰懸薜蘿阿

岳院寫懷和簡菴侍郎

小民未愜一毫補全楚何當三歲淹常抱癸心傾日景不堪菜色及閭閻晝長剩見風生竹院靜時聞鵲噪簷最喜司空官署近老臣英采日依瞻

西窓贈謝景宿

西窓僻啓岳城東巨楚竒觀入眼中雲夢月生沙渚白洞庭日下水波紅早年芸蠹弓裘業壯歲舟車竹帛功勇退即尋歸隱計海天空闊羨冥鴻

光澤王賜詩和韻奉答

藩府迢遙江漢天忽勞使檄下晴川筆鋒遒勁法存古詩句清新思入仙漆室關心何寸補憲臺駐節已三年輶車出引星文久何日沙村理舊田

田水南張願拙錢送即席賦

莫訝離筵勸酒頻故人海內幾相親西江誨化誰能及東越循良我見真嶽麓曉雲生樹遠湘陰秋水漲

沙新星車此別何當會感昔思今淚滿巾

上饒舟次

信江多石兼少水十里舟行九里停水面參差擁沙
石船舷突兀出洲汀風吹細柳窓前碧雲送好山天
外青數月驅馳歷寒暑此身南北但流萍

城南書屋贈宋西巖

城南不出南城路書屋原藏滿屋書霜覆松筠寒谷
迥月臨燈火夜窓虛遠尋鄒魯傳心後直到羲黃未
晝初我欲文江返初服百年舊業恐教踈

潼關院壁和邃菴閣老

過歲征騑忽復還暖風晴日出潼關黃河天上九回
水白雪秦中萬疊山岸引雲霞開曉色沙橫桃李映
春顏莫言西夏同邊俗愧我行轅父老攀

和答 醒齋殿下

野叟田夫時見招疎林斜日角巾遙高厓草拂煙初
散寒谷梅開雪未消愛客每留徐孺榻飲泉還掛許
由瓢山中習靜無他事但願桑麻四野饒

和韻贈見素尚書山齋侍郎

太平天子中興年群賢並起扶危顛山齋乍應西行
詔素翁忽整南歸船法星已見明三尺砥柱真能障

百川去住無關各自得廣州致力華山眠

伯洪第四十

二月六日關家筵吾弟四十當今年少時同學汝穎
異何物虛名猶滯延堂上花繁春色動階前草映舞
衣翩自欣使節便娛綵敢詫一門樂事全

西夏校武

北郭飛臺高數尋清時閱武吾茲臨賀蘭曉嶂盤空
出碣石寒流動地陰羅虎六軍瞻氣壯風雲入陣吐
謀深天聲已破羶裘膽沙堠應無匹馬侵

西夏校文

冬日行臺偶校文衣冠籍籍吐華芬河山靈氣生人
物天地精英在典墳筆陣吳蠶春食葉詞源蜀峽曉
行雲諸生久抱匡時志况復中興際 聖君

雪登毘盧閣

朔雪初飄寒氣生晚登佛閣眼偏明長空鳥沒邊塵
淨古樹煙浮野色清蘚蝕敗坦留石刻風颺高塔送
鐘聲憑欄不任天涯思南望江鄉北 帝京

寺遊和北山

自公乘輿出禪林遙見蘭山竦碧岑老衲何年飛錫
杖虛寮今日灑塵襟雪紛梅蕊香囊噴煙合松林寶

地深古寺邊城知有幾
讀書危壁記今關
合林

西園宴集

名園華宴笑聲同
烽火無驚歲且豐
賓王東南情偶洽
河山西北古稱雄
石巖殘雪消猶白
庭樹斜陽落更紅
獨上層樓閒縱目
雲霄萬里羨冥鴻

壽宮保王荆山公

冬曉邊城傳鼓角
雲霄南極動星辰
三朝麟紱論功地
七尺虬髯報主身
天倒黃河傾壽酒
雪飄翠竹擬風神
威名已著三秦久
劍佩行瞻步紫宸

萌城驛會孟有涯

都門餞別歲三改
山驛重逢又早春
細數交遊因憶舊
謾談時事忽聞新
天涯鼓角悲殘夜
邊塞風煙望紫宸
對酒放歌還把劍
丈夫有淚莫沾巾

清平驛和有涯

我於沙井度元宵
恨不逢君破寂寥
邊堡月明人語靜
驛庭夜迥馬鳴驕
回瞻靈夏河山近
却望鄉關江漢遙
數月往來何大速
迂踈無補聖明朝

入環

昔人常道蕭關遠
我過蕭關復幾程
獨戍黃昏惟角語
長途白晝少人行
河山險設華夷界
唐漢渠流靈

夏城自古封侯非易事此回聊可助談兵

別謝草亭

故人同事心偏喜數月分襟情不堪惜別賦詩難得
句含愁酌酒易成酣河水泮日流春水山鳥隨風度
碧嵐握手相看南北迥臨岐欲別又停驂

別同年蕭慶陽

慶陽雄郡臨邊塞刺史英名擅隴秦鄉土性情憐我
異天涯談笑得君親日臨古道河流細風起平堤柳
色新此別未知重會處離筵送酒莫嫌頻

永壽道中

朔漠飛塵衝道路南歸懶性便舟航老妻抱女失輿
重拙子觀書忘路長風定寒雲屯莫嶠雨餘細草拂
春塘回看天外蘭山色莫道靈州異故鄉

硤石道中

硤石崎危天設險曉行春雨復霏霏路臨巖側妨行
馬藤掛溪傍恐刺衣老樹半天歌欲墮輕雲絕壁過
疑飛平生涉歷不自避吟倚孤亭看翠微

留別洛中諸進士

憶當往歲同臨日諸子奇文出談長塵土年華嗟躡
踏雲霄冠履看翔翺滿行車落山兼紫漢潤風和柳

乍黃會合那能常不散且憑孤典側餘德風呼

駐衛源

駐節衛源經八瘦宦游踪跡遍天涯雨滋嫩綠塔沿
草煙拂輕紅岸落花河水漾春堪放艇廸松偃日欲
棲鴉試因父老詢民計戎馬征求重可嗟

鄭台岡夜酌

春堂永夜共論文清漏隨風入座聞光動小窓斜映
月暝分高樹密屯雲紫綸照汝吳江上赤紱憐余楚
水瀆明發長途各分手不知何地又同群

草堂初成和林旗峯

城隈僻地構茅堂碧水青莎對小塘遠寺樓臺春送
雨後亭松竹晚經霜偶承使節垂分席少備儒食得
並觴習靜不知三月暮落花沉澗暗流香

壽几川楊郡伯

峨眉杳杳來江水津口盈盈漾几川灑瀕孤根深入
地豐塘雙峽暝含煙微波映月星辰動餘潤乘春草
樹妍西蜀迢遙東會海常分清酌壽蓬仙

贈林旗峯移遷肇慶

殿廷黼藻遠三接湖海風煙忽十年江右去思棠樹
茂嶺南到日荔枝鮮寒花驛路依離旆細竹江城裊

錢筵公暇定知多好興便鴻莫惜寄瑤篇

九月五日同朱鶴坡吳蓀塘登般若菴和韻
城西卜築今年勝日登山隨衆賢雨遮洞泉高落
澗雲開石蹬曲盤天鳥鳴絕壁青蘿上天吠高石翠
篠邊喜有老僧供茗椀杖頭無用挂千錢

偶應重陽臨絕頂不知孤跡尚塵寰樓臺影落青天
外蘿樹陰垂碧霧間到處人家流細水何年僧舍占
名山近來習靜常高枕忽上危岑覺興閒

上山微雨下山晴歸路看山眼倍明爭訝人從天畔
落却疑雲在地中行風帆縹渺過江嶼煙樹微茫隱

縣城愛客不知筋力倦願教尊酒日常盈

願菴病起用杜韻和復

呼童掃室坐蓼床閒倚闌干數鴈行雨過新塘添水
色春回小圃動花香情歡對客開新酒體健臨風舞
舊裳地僻渾無車馬過山中歲月覺偏長

送楊西嶼叅楚藩

皇都三月春可憐送客郊亭冠蓋聯錦席玉杯沸絃
管園桃岸柳含風煙東楊久已擅名相南楚即看稱
象賢天爲蒼生勞使節鳳毛池上看喬遷

潛山道中大風雪

道路驅馳經七日潛山今日寒獨嚴當面北風來似
刮撒空細雪紛如鹽疲馬負人怯石峽饑鳥側目窺
茅簷意闌秉燭題詩句凍筆頻將擲復拈

王涪南餞飲鎮淮樓

刺史勤民希宴會高樓爲我始行厨萬家煙火通屢
陌千里江山入畫圖殘日落花飛遠樹長空去鳥沒
平蕪凭欄不盡登臨思直北風雲接帝都

合肥道中雪晴

殘冬大雪應豐年雪後開晴更可憐旭日照山仍皛
皛凍梅臨水自鮮鮮農夫舉耒春將作勅使兼程

夜不眠滿路棠陰流惠化合肥啟令衆稱賢

贈白巖喬太守

屢乞歸田高節少特俞辭奏聖恩優勲名異代傳
青簡烏紱還山尚黑頭三晉山光迎畫錦四朝天
寵頌儒流老臣謀國人同倚卽見徵書動帝諏

壽楊邃翁閣老

百年間氣符昌代萬里長空炯壽星臺閣絲綸兼將
相門墻桃李半公卿金焦危柱終天立江漢長流到
海傾聖主卽今崇舊德御屏爰已列高名

敬亭山贈張中丞

突兀宣州此著名群峯環合對孤城楚雲暮帶千村
雨海日朝開萬里晴泉出西巖星斗倒春回東麓草
花明昔遊太白留遺跡今藉先生更結盟

和復胡汝誠

路河春水對維舟遲日輕風稱短裘道路忽傳迎
聖主閭屢端合散窮愁慚無獻納裨 丹宸誓守朴
忠到白頭可是清秋鳴蟋蟀果然陰雨出蟬蛸

送成國公奉命往湖南上 獻皇帝尊號

聖主冠裳新日月 皇陵山水舊荆襄肇稱典禮
元祀親奉 綸音出建章玉冊金函相照映原

草亦輝光上公使節真榮艷畫鷁春風江路長

宣風館和韻

夜雨秋江昨漲痕衝沙激石岸猶渾古橋度馬秋臨
水公館聞鷄曉出村遙見漁歸煙浦暝忽驚鴉噪竹
林昏愁來更聽誰家笛獨坐殘燈欲慄覓

和答羅汝延

千里勞君尺素來連旬伏枕忽頰開堪將詩句驚風
雨長藉文光照草萊此去並騎燕市馬何時重把鶴
樓杯匆匆對使情無極悵望停雲天際迴

即席和答鶴坡

畫舫秋乘急漲來華軒晝坐綺筵開竹邊對奕蟲交
墮松下焚香鶴並回興發不知殘日下詩成始覺片
雲催徘徊更把庭前菊冷蕊離離意若猜

新立小橋和答止齋

偶見寒江人病涉聊支小木屹新橋石巖作枕平無
杙堤樹維繩穩不漂車馬豈能成道路鄉村暫喜便
耕樵他時危柱撐空起自有新題引使輶

和答前江

我家山陰君山陽迢迢相隔幾村長情深每欲醉溪
月馬瘦豈能侵路霜酒債空嗟尋常有詩筒莫笑往

來忙如此良會不易得一飲何妨更百觴

送郭君兼和

汾陽文物誦清江化日觀春入帝邦花發龍池照堤
並樓開鳳闕出雲龔晚風入席移尊酒秋水平河
下綵艫淮擬登堂論新好煙村定駐使君幢

浙江驛和壁間韻

凭闌偶見野夫耕即欲相從媿未能宇內江山多浪
跡人間鐘鼎亦虛名海潮侵月天西落砌草含春雨
後生奔走頻年徒自苦清風千載望嚴陵

泊彭澤

大江直下翻湖合彭澤城高僻似村幽徑落花沾古
岸小橋流水接清源半天煙浪孤山出一夜春風萬
柳繁不爲當年陶令在縣名安得至今存

高郵湖夜沉

五月郵湖生夜涼湖波漾月白茫茫樓船簫鼓凌空
振沙渚漁燈映水光天濶鴈鴻隨霧沒嶼深蘆荻裊
風長飄然忽動乘槎興擬泛星河看八荒

送王純卿擢南臺

四海輿圖環北極百年風紀峻南臺金陵山水留都
地玉斧風霜濟世才鄉里幾人登法署郊亭群彥引

離杯南來驛使應多便爲復相思數寄梅

夢中得二句足成一首

今夜月華明昨夜北樓星采共南樓夢中詩賦多新
句客裏江山總舊遊極目北瞻天杳杳片帆南下水
悠悠復持使節虛奔走久負君恩那報酬

張水部一鑑亭和韻

河叫人家夜泊航水心亭子晝持觴好懷對酒宜無
醉佳境題詩每欲狂簷雀引雛穿戶牖池魚躍浪濺
衣裳莫言淮北秋簫索叢竹抽梢復許長

高閣對杏和答徐東巖

官齋坐對杏花枝雙雀巡簷亦並窺弱質生憎風急
夜織容偏稱日高時昔年走馬頻回首此日哦詩漫
撚髭三度看花三易地明春清賞復同誰

送蕭叅軍之岳州

岷江東合洞庭水衡嶽南開七十峯地莫名邦元獨
壯官居勝地亦難逢風清簾幙琴尊靜雨足郊原草
樹濃與子論文更何日此生無定是行踪

和復松月伍中丞

斗星長望獨高秋棠樹遺陰散吉州節遠螺峯煙細
細舟閑玉峽水悠悠雲霄千仞瞻威鳳湖海無邊任

狎鷗濟世古來須俊傑昔年多難見奇籌

草澗贈周隱士

湖海聲名傳草澗江鄉閱閱重桑園春風拂拂遙揮
色秋水冷冷淺露痕東野輕塵嗟世事西堂清夢愜
吟莫莫言幽僻成蹊徑涓滴還思雨露恩

送傅大行奉使廣西

三年晝漏承 楓陞萬里皇華出桂林匹馬輕塵衝
曉路亂蟬高樹雜秋砧過家綵服足娛戲去國輶車
莫滯淫好述 民風歸躡草歸朝一奏九重深

姚秋官奉使歸省和韻

壺山海上倚天開。此日仙郎奉使回。侍綵歡娛便書錦。明刑風采重秋臺。恩覃庭闕重頒誥。喜溢林泉數舉杯。身退子榮真異數。榜中屈數更誰來。

別孫南江和韻

並宿僧堂燒燭短。漫談時事坐更長。僕夫喜客供茶竈。童子尋師喚竹房。向莫松栴含暝翠。早秋風雨送新涼。情深不忍即爲別。愁聽鷄聲過寺牆。

贈鄧文瑞巡楚

北風捲地怒相逐。立馬城南更酒杯。天上綸音華使節。臺端諫草肅風裁。洞庭冬靜魚龍蟄。衡嶽春晴雲

霧開。即見霜威回攬轡。知君元是出群才。

聖駕視牲和紫山胡侍郎

南郊兵衛寂無譁。萬隊旌旄擁戟牙。爐篆裊風香縹緲。壇松過雨色交加。四方已動星雲應。百辟親瞻日月華。犧所達觀回玉輦。青天雉扇影遙遮。

和紫山看牲韻

分命廷臣遞看牲。法曹無預羨君行。去時晚日山頭落。歸路銀河斗畔橫。夾道松煙迎旆合。近郊燈火傍輿明。即看大祀天神格。萬國衣冠禮慶成。

喜雪和紫山侍郎

亭午陰雲忽變晴 宮中默禱見皇誠九天密片翻
瑤海萬戶寒光動玉城 梟樹牽風疑有意穿簾落硯
若爲情朝來馬上思成句點袖飛雲忽已盈

送徐養齋使長蘆和韻

翩翩冠蓋擁行車 尊酒都門霽雪餘 仗劍且爲遊子
別 權鹽那使大賢居高松對戶含霜勁短竹依窓映
月踈 公暇應無塵事入焚香閉戶定成書

贈北樓吳尚書展墓

端居臺閣絲綸地 忽動松楸雨露思 尺疏陳情承特
允 東風解凍已多時 龍幽鸞袂輝神道犀帶麟袍

寵故知莫戀吳中好山水 黃扉虛席遲來期

聖駕視牲和答亭溪張大史

禁城鐘鼓九門開 馳道朱衣萬騎迴 風動綵旂隨日
轉 雲依玉輦自天來 隔年預飭南郊禮 雄賦爭誇大
史才 聖德格神須有應 八荒民物在春臺

特恩堂爲高吾陳中丞賦

外藩予告非常典 華扁高懸志 特恩已分林泉成

獨徃豈知 綸綍寵皇言 山中藥物初盈把 天上

徵書早及門 總爲西江蘇 困苦徧推餘澤及 荒村

徐東巖席間和韻

永夜情深對燭花不禁離思渺天涯葉飄楚澤真須
羨鼓瑟齊門可但嗟風落長原迴獨隼雲歸高樹起
群鴉銀河濯濯含星斗欲借仙人昔泛槎

送曾汝誠令光澤

皇都春色回堤柳鄉里交情託酒杯黃甲共推名世
彥青雲宿抱濟時才莫言邑小無難治但說民瘼倍
可哀即覩循良歌異政應持諫草入中臺

送楊蘄水

祖席情親今日別故鄉文采似君稀蘄陽古邑淳風
在潁上新居便道歸赤壁江流舟楫迴黃雲隴野稻

梁肥應將惠愛留棠樹行看法臺麗芥衣

候 駕和答見素尚書

風靜星稀開禁鐘郊壇鵠侍若爲容春雲高簇龍旗
合曉日斜開羽扇重 聖德合天應感格上卿陪祀
極虔恭不才多病違奔走未道清朝有惰慵

送楊生還清江

潞河水泮起晴波千里歸舟發棹歌 官闕入雲天
府壯風塵過眼客懷多春回薊北繞青柳雨過江南
遍綠莎到日親朋如我問爲言京國意蹉跎

審錄和答沂樂廷尉

九陌傳呼中使來，爐煙浮動勅書開。
五年一見天恩普，萬室同思春意回。
密勿本多欽恤念，平反還伏老成才。
即看太史占休象，行見祥雲照法臺。

送胡節推之金華

江右文章傳玉峽，浙東山水羨金華。
民風自昔稱淳地，儒術于今播法家。
鄉里情親雲共遠，郊亭餞送日初斜。
即看異政歸廷論，行見封章承帝嘉。

爲廖洞野學士賦齊壽獻親

瑤臺寶籙登齊算，玉署冰銜侈特恩。
鶴髮真看仙侶並，龍章况誦帝言溫。
孤星落彩春搖桂，婺宿含

輝晚媚萱，廊廟縉紳紛頌祝。
文光千里動江村。

丹泉贈楊州守

柳州秀色映丹泉，結屋端居不記年。
石洞瀉出亂星斗，竹溪分入搖雲煙。
滴硯捲簾朝註易，焚香淪茗夜招仙。
興國棠陰特餘潤，即看霖澤遍八埏。

贈泰和陳令

西昌賢令西川彥，爲政風流一邑宜。
部檄交馳推政理，民間到處起謠思。
田禾垂實秋雲合，庭草生花春日遲。
但使彈琴追古意，他年當有去思碑。

送金永豐考最北上

豐江新雨漲初平岸柳牽風畫鷁輕機字三年勞政
理詩書累世美簪纓花前春酒娛仙綵樹裏晨鐘入
禁城諫草即看陳 聖主斧衣霄漢立承明

秋夕和趙侯齋

落日疎林隱暮霞微風何處送琵琶三秋風月有今
夕四海車書况一家瑤海未能通羽籍銀河擬欲泛
仙槎共君劇論忘深坐吟倚山堂對燭花

送虞山陳中丞致仕

握符梅嶺軍容肅累疏 楓庭士論難 聖主倚恩
南顧遠老臣惟念得歸安昔時山水供吟眺舊園驚

花入肺肝獨有此心無進退夢飛長近五雲端

和浚川司馬贈蔡半洲中丞赴鎮兩廣

牙璋曉日臨長苑綵旆秋風動遠林符刻虎文傳禁
寢劔盤龍氣破妖祲先聲已落群夷膽獨坐能收衆
士心即見磨厓重刻頌窮荒徼虜盡歸琛

送虞東厓侍養南還

西寺平反賢譽重北堂慈壽夢魂驚力陳肝膈殊真
切 賜允絲綸荷 聖明彩彩萊衣歡晝永森森玉

樹映階清百年孝養移忠在會見諸孫早繼聲

奉和桂翁九日邵園作二首

皇州戚里敞名園九日三公聚一尊
錦大室廬城外市風煙松菊郭
傍村出城晝刻傳高閣入席秋陰動
小軒萬井亭亭歸引眺矢歌聊用述
君恩
翩翩車從集林園佳節同臨北海尊
日下危城雙觀闕雲中曲陌萬家村
綺筵簫鼓喧風砌綵筆珠璣落
霧軒黃閣絲綸每餘暇來遊樂事感
皇恩

奉和序翁再考值閣蓮初開二首

禁署仙闈度曉風池蓮出水映初紅
亭亭綺檻辭泥滓冉冉瑶盆託化工
淨影乍分雲母砌清香忽動水晶宮
花開真與人心會要見元臣宰物功

相業遙追稷契風六年黃閣見蓮紅
出塵自覺精神異剪綵何如造化工
並葦清輝聯玉署連枝和氣動瑶宮
令公屢上中書考歲歲花開紀盛功

壽吳江雲谷吳封君八十

臘月復當三十日仙翁八十尚康強
鴻臚庭畔歡同展棘寺天邊意更長
雲谷高椿偏雨露吳江碧水即滄浪
儒冠客路思高義千里緘情獨壽章

追和舒菴包公二首

七十年來尚侍親老萊父子是前身
緋袍拜舞人同玉綵服道遙髮併銀
宦譜新聯烏府貴恩波況挹

鳳池均少微
夜夜輝南斗
長有寒光映大楮
詩書世澤遠
無涯簪紱東
吳復幾家
萬石門庭聲
教遠列朝恩
數寵綸加霜
威兩地
今桓典風度
專城老孟嘉
顧我通家慚
薄劣
每瞻蘭桂爲君誇

理寺席上偶成

理寺高銜次揆臣
法臺鼎列自相隣
昔年濫步曾爲主
此日重來翻是賓
報國丹衷擄法紀
盍簪和氣動陽春
萍踪聚散尋常事
記取茲筵笑語親

壽高吾陳司馬

高吾司馬懸弧日
幾輔刑官拜命回
身引爐香行

九澤天生者俊應
三台洞庭秋水當筵靜
衡嶽晴雲遶戶開
父子冠簪人共羨
卽看溫詔下蓬萊

壽陳毋六十

青鳥啣書海上來
婺光午夜燭三台
雲軒簇晝喧仙樂
彩服承春戲
壽杯驟雨洗塵瑤
宇淨清風遶戶綺筵開
共稱內德端儀久
卽見賢卽舉將才

和桂翁韻壽雪厓尚書

玄闕慈臺一上仙
羽筌長獻聖人前
麟袍玉帶尚書位
藥榻芝祥八麥年
却老但看彭祖健
著經誰似伯陽賢
願將鴻寶爲皇壽
姑射高風與世傳

壽來峯朱翁八十

才名早已播洪州，繁祉偏於晚歲收。
三鳳翱翔雲路遠，諸生揖讓講堂幽。
龍章玉軸滋天寵，銀鬢丹顏閱海籌。
楚郡燕都情并切，遙瞻南極獻黃流。

送李司廳之南禮

銓部掄文得老成，禮曹授秩近仙卿。
衣冠閥閱吾鄉羨，賦頌風流吏省名。
世講已非傾蓋合，姻聯况復締心盟。
野亭分袂秋雲杳，何日重來共酒觥。

壽李母蕭夫人八十

春風二月蟠桃熟，王母瑤池仙駕來。
司馬脩文流世

澤振麟衣錦出群，才翟冠殊彩輝華。
屋寶婺清光燭上台，八十康強今古少。
百年日日進霞杯。

送通政劉五泉之留省

玉序早推懸鑒度，金陵遙引納言裾。
蓬臺未肯踰兄位，芸閣真能讀父書。
鄉國情牽彭澤柳，庭闈日饌武昌魚。
即看袍笏聯卿署，共戴風雲翊帝居。

挽黔中張侍郎

滇南間氣作人龍，劍履星辰接上公。
已見晉毫祭日蜎，尚傳唐藻散春叢。
經綸未盡匡衡術，樽散猶存鄭老風。
賢子承家能不忝，桂雲蘿月陰無窮。

和溫託齋雨宿草堂二首

尚憶溪堂看月生散雲雷雨匿初明村容莽夜千山
失谷竅傳風萬壑鳴柳曲花莊兼入詠彤扉赤舄遠
含情邇應暫輟幽棲興數向仙堦識履聲

織月溪頭映水生草堂見月倍分明野雲驟合石林
暝山雨忽成沙樹鳴剪竹且開裘仲徑看花翻憶杜
陵情亦知錦水元龍卧莫訝風雷急夜聲

送崔岱屏南護玄宮二首和陸儼山

橋山冥霧日徘徊惆悵遺弓抱楚哀南國松楸神寢
念上卿符節帝鄉來黃腸密識前和色赤舄誰當

篤隼才計日先春應可到虞歌愁向郢中臺

宣室時同元相召密綸親見聖衷哀蟬冠幾度

仙陵拜采邑重瞻使節來扈蹕久傳銘鼎業贊猷兼
擅揆天才懸知旅夜君山笛吹送梅花落鳳臺

人日雪陰朝罷偶述和蒲汀尚書

趨朝細雪霑寒珮密弄輕陰時傍人漸入萋堦還色
態更飄蓬省益風神清含麗葉萱迴碧凍幕繁條柳
借勻莫訝占年晴失應堯天何物不同春

和韻壽介谿大宗伯六十

戴筆蚤通金馬籍持衡還作玉堂人夷夔禮樂千年

盛燕許文章一代新歡引壽筵開北斗寵分天酒出
長春綵綸回首瞻黃閣赤紱由來報 主身

石門閣老同登雲中乾樓

城上層樓開傑構雲中勝槩鬱奇觀南瞻 魏闕星
辰近北俯胡庭沙磧寒旄鉞煌煌來 鳳閣
翬翬翼 翼拜蟬冠一時文武皆才俊萬里山河頌治安

壽陽谷吳大夫

杏林春曉花陰合薇省仙郎晝錦歸青瑣爐煙携去
滿白頭藜杖古來稀蘭陵新酒塞萊綵陽谷靈椿蔭
鯉闔鵬翮九天看遠到兒顏長日沐 恩輝

壽羅母七十

首夏炎天候氣清長空虛淨發星明栢舟曾誓中閨
操桂籍今看令子名璧水掄文聲價重錦堂酌酒舞
衣輕定知華秩賤 封典常見高門過 寵旌

贈王克齋巡撫江西

洪都旄鉞開新府 丹扆綵綸簡大賢春野棠梨深
日月秋臺栢樹入雲煙塞帷郭賀觀風地驅馭王尊
報主年多暇自公流大雅湖山千里屬賓筵

贈曾梅臺

浙東使節勤民瘼冀北風塵荷 主恩 楓陛賜環

猶睠睠橋亭判袂故誼誼青萍意氣當霄漢白璧行
藏重屏藩烏石臺高棠可樹君名應與石俱存

贈張御史德徵西巡

河山昔擁秦關壯霄漢今看繡斧新豈但霜威能動
嶽須知駿馬在行春幽風岐鳥歌 王化菴笛胡琴
淨塞塵楚楚菁莪還屬汝西臺永鑑重儒紳

送符穎江守韶州

今之刺史古諸侯况復山川據上游 絳闕初承新
節鉞黃童還識舊檐輶石臺韶奏南薰動銀甕泉分
翠靄浮爲政風流君不忝月華千里聽民謳

和浚川韻贈石東樓

逸駕早年辭紱綬高情終日寄琴尊憇霞釣水臨溪
石問柳尋花涉圃樊玩世詩書聊自適狎人魚鳥不
知煩即看 閣下歸雙鳳戲綵飛觴月滿軒

方澤喜雨賀桂翁

聖朝肇禮嚴方澤五月甘霖遍八埏田叟村童皆拜
雨唐堯虞舜本同天 御河新水高浮鯉壇樹卑枝
濕噪鴉宗伯虔誠惟報 主可無佳頌慶豐年

和桂翁韻贈鄒山人

何年結屋居深山柴門遙在白雲間晴窓伏枕花初

落晚徑扶筇鶴共還展書時與古人對靜坐了無塵
事關偶然戲賦 承明殿誰信山翁識 聖顏

贈劉子孟齋給事

隔年旌節遙瞻汝兩地心神各對雲春水忽來天上
舸夜筵如在夢中醺 宸麻特起江西彥諫草孤忠
海內聞浮世艱難知久練濟時勲業定超群

東塘集卷之八

東塘集卷之九

吉水 毛 伯温 著

五言絕句 五十首

和見素先生閨懷十韻

淚濕羅衣裳晨起罷紅粧不知天色莫簾外月如霜
欲寄一行書苦無遼西便花落春又闌何時得相見
夫婿別經年愁思積誰訴殘月下簾鉤愁風起庭樹
螢火穿簾戶涼月照羅幃明年當此夕行人歸未歸
侍女具蘭湯意慵罷梳沐默坐獨傷神燈光映華屋
漁陽長在眼咫尺如中門盈盈河漢間脉脉阻天孫

愁懷常百結安得顏色好春深人未歸滿庭生青草
欲寄塞垣衣裝綿惟恐薄鐙底獨裁縫三更喚孤鶴
斜月藹深輝碧窓淚潛墮妾心君未知默默思前過
中閨戒裳服招伴試秋杵見月下階拜低頭不敢語

扇面毛女

傍松結草服忘却歲年長綠遍秦宮樹何人刺繡忙
東遼別思

使星照東海聲價重南金野亭多別思一卷送行吟

豐城別徐曰仁

骨肉日以遠僮僕亦無親故人郊外別不語淚盈巾

訪徐侍御寅之

逢君太急卒別久語偏長上馬急投宿前山已夕陽

進賢訪太守萬公

早發藥師寺午到鍾陵城欲盡通家意那妨半日程

龍津驛

進賢至龍津一百三十里如何濟渡時暮鐘猶未起

龍津夜遇許憲副

欲上龍津船無船心惱懊驛人相慰言夜半許公到

舟次遇吳大叅東湖

聞道姚源洞只知吳老公匡時聞好畧不忍別舟中

安仁道中夜行

夜過金沙渡山深路復斜遙聞籬犬吠知是野人家

貴溪道中

出門嫌雨急中道喜風狂又見前山暗何時到弋陽

至日小酌

入門拚一醉客歡主亦歡酒闌歌慷慨倚劍眺長安

題畫十首贈方思道

新葦淨於洗夜來雨初過小鳥下求食柔枝渾欲墮
小竹一枝橫竹稍猶未葉立鳥不知名可愛羽毛燁
春水茫茫濶村煙漠漠輕遠天祥鴈過古道一人行

殘月照孤亭古楓依小檻夜靜寂無聲橫林霧如染
斜葉相依附風動聲亂聒已見露根株何時當盡拔
春雨土膏活水畦菜初起亦知澹足甘何用羨青紫
山果垂垂熟脩翎殊自由無欲如此鳥綠何亦白頭
江草長不齊野花開初亂鷓鴣啼一聲行人思欲斷
青門宜種瓜藟藟自滋蔓摘取贈野人不向官家獻
此束不知名文采森可數何當臨幽畦從容問老圃

梅林十一詠贈蕭嘉興

一枝已可憐成林那可得雪霽月孤懸此境誰能識

新月上梅稍絕頂橫疎影從陽自有春何必但度嶺
右梅嶺

塘上數株梅梅開花映塘忘却梅花在翻訝塘水香
右梅塘

懸厓高千尺梅開月色中清絕無塵到巔峴映若空
右梅厓

月夜訪古梅清香動幽興杖藜信步行沿海自成徑
右梅徑

亭外月如鈎亭中人比玉月落人不歸香滿羅浮曲
右梅亭

南陽聞有潭飲者多增壽比較梅潭水飲之尤忘陋
右梅潭

小江春雨平梅花浮數點相看船不行爲惜春光減
右梅江

石兮不可轉梅也不可涅槃坐石玩梅花疑坐使君側
右梅石

磯上梅正開磯下魚爭聚垂絲漫不驚微物同人趣
右梅磯

堪笑江寧老區區爭謝墩何如此墩好香動月黃昏
右梅墩

泛池

結屋東塘畔移舟淺水間
往來渾咫尺時見太平山
迎暎書院十首

泉出象龍噴迴流入海
長清聲常在耳先德詎能忘
右龍泉

崑崙出孤嶺振鷺肅高冥
閉戶夜經雨開簾送曉青
右鷺嶺

夜棲衡嶽遠曉汲瀟湘清
小艇隔煙渚時聞欸乃聲
右漁歌

過徑雉蘇合出林笑語多
逢棋莫久看恐爛腰間柯

右樵語

高閣衆星沉書燈接晝陰
城更長短過不盡古人心

右城鼓

古寺深山裏鐘聲隔岸聞
扶桑動初曉日色映江雲

右寺鐘

何處人聲集煙迷東寺東
小橋茅店日曲巷酒旗風

右煙市

月色臨溪迥溪光帶月深
登樓發高興清夜理瑤琴

右月溪

谷窾萬松號連山洶翠濤
扶筇聽不厭獨立佇江皋

右松聲

一夜風兼雨春光動綠苔幽人臨砌坐不覺上衣來

右苔色

臨城驛和費鐘石二首

朝行朔風寒暮行溪月白借問山中人何如遠遊客
清晨發石山薄暮宿臨城下帷無所見惟聞風雨聲

六言二首

過魯橋

風靜鴉栖村樹水平鷺集沙洲何處一聲畫角黃昏
吹動離愁

吳山驛和韻

松徑人閒立鶴柴門客到驅雞山中無限樂事何爲
奔逐東西

暇白日幽畦課灌園

右灌水

風霾

狂風作意攬新春
咫尺相看不辨人
獨入幽房掩深
戶綺疏無力蔽風塵

南陽行臺屏畫蝠鹿戲作

栢臺畫屏突人目
却笑畫中無好祝
堂堂白豸出風
塵何暇回頭尋蝠鹿

題石田畫和泉師韻二首

點出花枝信逼真
小窓相對四時春
紅塵紫陌紛馳
逐解得着花有幾人

西湖雪色灑溪水酷愛梅蓮憶往賢莫訝石田增二
色古今懷抱此中傳

挽蓬萊郡君和韻

珮環寂寞杳無聞惟見蓬萊五色雲翻恨當年多識
字玉樓亦得召修文

南臺對菊和答梧山中丞六首

烏府清秋菊樹芳遠天初日上扶桑起來倚檻間相
對不惹狂蜂亂蝶忙
數枝淺白與深紅開遍東籬一夜風誰道上林春色
好孤芳不與衆芳同

黃菊鮮新映栢臺東園分取帶雲栽幽姿不向霜前
改瘦影還從月下來

金錢箇箇疊踈籬半捲秋簾斜日遲獨坐小軒無客
至對花忽憶潯陽辭

十月霜臺對菊花主人高誼見通家坐深入夜猶忘
去祇念歸期已及瓜

秋風颯颯動幽香冷蕊盈盈帶早霜喜得公餘無俗
事孤尊特爲菊花將

塗懷

楚雲渺渺空南鴈薊馬駸駸自北風遊子天涯獨腸

斷夜深猿叫月明中

懷梧山中丞

衛河冬水如春水
簫鼓沙亭錦纜行
回首梧山青縹緲
殘雲日莫不勝情

留別韓汪二僉憲四首

黃河昔遶大伾流
今過仵山衛水浮
可信河山多變易
那能人事不離憂

古來河朔稱雄鎮
此日關山戎馬多
保障一時皆俊傑
春風千里聽絃歌

樓船曉發棹歌遲
漱漱沙村衛水湄
別後梁園梅滿

樹無因相見劇相思

共事中州一歲餘
多勞賢計補迂踈
只今遠別何相慰
驛使如逢數寄書

題畫贈梧山改撫東吳

碧梧枝上集群鳥
御史臺前月正孤
幾載中洲刷毛羽
天風一夜下東吳

題扇

釣歸雪水忽平江
笛畔梅花落曉窓
咫尺山房重回首
浮雲天際鴈飛雙

題古狂畫贈孫內翰從一

馳詩苦思少人知獨立東風漫撚髭惟有杏花先識
意輕紅曉放最高枝

題扇

雨過秋江細浪生石洲高樹晚風清幽人得意忘投
餌只借一竿隱姓名

梧山中丞同渡黃河風作次韻二首

黃河白晝引雙舟風逆回瀾水截流獨坐無言登彼
岸山桑田黍遍中州

兼天高浪擁官舟捲地狂風趁急流始信黃河真據
險汴中原是帝王州

謁倪方伯即席和答倪先祖同年

朝回匹馬特相過入戶松陰睡白鵝四十年前有今
日通家情素語偏多

林憲長寄露酒二瓶戲贈

青州從事入燕州一度開樽一破愁此日愁心更無
賴不知從事再來否

畫竹

誰寫亭亭竹數枝幽人相對共襟期小窓晝永紅塵
斷時有風陰動碧滋

送于覺甫四首

彭澤柳深煙裊裊，
襄陽花煖日遲遲。
功名不用留金石，
路口相傳是峴碑。

春雨桑疇水乍深，
秋風禾黍稼成陰。
鄉閭不見催租吏，
爭說干侯父母心。

識君恨晚別君難，
極目雲山落照殘。
每遇酒杯能盡興，
離筵今日不成歡。

雨過郊亭暑氣清，
柳風梧日晚蟬鳴。
孤尊此夕山城別，
後夜相思但月明。

贈蕭寫神

信手傳來便逼真，
蕭君用意已疑神。
不知寫盡今人

貌多許，心能似古人。

西陵鎮海樓和太白韻

一上層樓四望開，
白濤聲裏暮潮迴。
風波如此那可渡，
耐有漁舟突險來。

清燕亭和答王通府

曲曲新亭面面山，
鳥聲斷續白雲間。
花經宿雨雞冠濕，
草弄新煙虎耳斑。

卧尚弼行館時尚弼赴飲山陰

庭槐影轉日初長，
報道山陰酒未央。
疾訪君君不至，
饒余一枕晚風涼。

和答陳秀卿

梅花不爲雪能欺
梅雪原來共一奇
可是遊人渾得興
看花未暮已成詩

美人圖

日轉窓篋綠影低
鷓鴣啼斷小橋西
堪憑詩句傳心事
莫爲傷心不忍題

畫菊

秋風百草盡
離披猶見霜臺數
菊枝莫道夜來經
雨急花容只似昨
開時

幽興

春草滿階春日長
主人獨坐渾相忘
開窓展卷尋古意
幾點青山橫夕陽

題畫

漠漠雲山帶晚晴
落花芳草少人行
長川如練天邊落
更入松風一道清

林良畫鴈二首爲王希賢題

萬里飛來何處洲
孤魂猶戀楚天秋
夢回江上蘆花白
獨叫寒汀沙月流

秋雨瀟瀟風滿蘆
水汀沙渚伴愁孤
亦知毛羽隨陽易
北海干今書信無

和答泉山尚書十首

出城殘月映南臺漸覺晨光萬戶開元老獨耽山水
樂今朝還放俗車來

參天喬木隱樓臺林浦迢遙石徑開怪道清竒多攬
結群山有意渡江來

傍山岬起兩泉臺宰木含春葉乍開此日一觴思往
跡遼陽白鶴幾時來

懸崖瀑布落平臺江艇乘潮午欲開冠蓋翩翩登絕
頂山靈應訝衆賢來

濛濛晚色下亭臺漁火江星相映開誰道官中少休

暇清晨出去夜方來

披衣晨起出霜臺宿霧霏煙四面開此日渾疑眼空
濶風煙迢遞海天來

昔年動業動仙臺早向泉山咲口開綵服金童趨膝
下中朝曾見幾人來

城東小築相公臺林浦柴門向水開百遍相過應不
厭早潮從去晚從來

嬾慢溪行息釣臺百年日日好懷開携壺欲就山花
飲恰有沙禽哺果來

欲邀明月小爲臺能使名花頃刻開荔子熟時山雨

過香風更送芰荷來

新正馬上和周貞菴二首

長安春早凍全消嫩柳柔風紫陌遙萬戶千門出羅
綺煙花齊送紫宸朝

桂館爐煙晚欲消西山落日望中遙馬蹄緩踏垂楊
路乞得君王早放朝

峽石和魯峯

萬里長空六月天柳風槐日漾晴川莫言奔走忙如
許但得停車即是便

書驛馬關壁

晚來霞日麗孤城曉聽高檐忽雨聲世事無端每如
此逢人不必問陰晴

過乾陵二首

山石嵯峨勢欲崩居人遙指則天陵土深不爲埋遺
惡斷草荒煙氣尚腥

生蒲箭奪君王易沒後機防盜賊踈何事穹碑無一
字當時遺事恐難書

咸陽道中

曲隴泉聲朝雨過平原草色暮煙收秦宮漢寢今何
在渭水湯湯日夜流

瞻華嶽

太華群峯如玉削，往來瞻眺阻登臨。
勞勞過客紅塵裏，誰識希夷穩臥心。

謁魏仲先洞二首

抱琴何事踰垣走，中使驚看到草萊。
不爲寇公能折節，空齋仙夢未應回。

白雲滿地松風細，舞鶴避煙竹宇青。
燒葉遺跡無處覓，草堂空帶少微星。

坦齋三首

新結茅齋，文水隈春風動地，八窓開。
焚香獨坐遊絲

捲雨過庭堦，長綠苔。

門俯青湖，春日闌，簾鈎新月，窓虛齋中，自覺塵囂靜。
惟有南華一卷書。

齋居坦坦，僅容膝，百物皆歸和氣中。
細草一汀，江水碧，落花無數，夕陽紅。

答顧菴太守

門鎖松筠，晝不開，焚香獨坐，興悠哉。
眼前物物還詩料，不用推敲，句自來。

題易氏卷

昔年京國題詩句，此日重看思惘然。
幾度欲更更未

得一聲啼鳥散輕煙

菊潭二首

甘谷陰陰潭水深，菊花開遍錦成林。
從知飲此能長壽，欲便移家向浦潯。
菊花映水離離靜，潭水涵花疊疊明。
不羨南陽黃髮者，飲泉即汝訪長生。

挽李二守

得月樓前草色淒，石闌干外水含悲。
舉杯問月人何在，惟有秋風動客思。

戲贈畫士鄒野航

花潭竹嶼晚霞明，風弄晴波窈窕生。
此處丹青君得畫，野航回首即蓬瀛。

碧潭四首贈歐隱士

東風拂拂動青莎，千島雲霞浸碧波。
杖策尋幽春欲暮，忽聞漁父濯纓歌。

夏雲突兀天中合，照映澄潭五色光。
旱野正須龍一起，爲將甘澍普群荒。

潭涵月影千尋碧，月散潭光萬里明。
秋色動人堪獨翫，天空林籟寂無聲。

雪嶼千山一鳥飛，羊裘獨坐釣魚磯。
孤竿不羨芳釣

餌得意忘言寒不歸

鑑池

新鑿方塘對小臺分明金鏡匣中開一波不動四時
靜惟許清宵浩月來

菰齋

傍山新結菰齋小酷愛山中風月清卧看陶詩偶思
睡起聽西澗盡松聲

浦雲二首

南浦雲生接地陰乘風忽遶最高岑滕王有閣今非
古惟見萋萋芳草深

昨夜度牆眠近浦今朝猶自白紛紛日高睡穩門還
閉共道幽人懶似雲

桑溪耕叟四首

十里桑陰蔭碧溪溪南溪北草萋萋風和南陌雉雙
雉雲暗前山鳩對啼

村村社鼓起農歌過隴溪風趁綠篔簹帶月荷鋤歸欲
倦朝來細雨濕新禾

園田曲曲環春水墟里依依藹暮煙草屋荆扉絕塵
想五風十雨說豐年

隔籬煙火共農談濁酒東皋日日酣兩稅輸官無夜

捉秋風倚杖看晴嵐

和答東園三首

風來西澗泉聲細日上東林花影重清晝琴書懼不
厭更於何地覓仙翁

咲傲湖山矍鑠翁華堂終日倚吟筇庭前玉樹枝枝
秀會見芳芬雨露濃

林花砌草四時芳山月江風共一堂名利比量詩酒
興不知人世道誰長

羅翁惠畫竹并詩和答

仙翁九十能揮灑寄我淋漓墨幾竿霜節亭亭塵不

染虛窓一榻夢高寒

竹菴二首

遶砌娟娟叢竹生菴中人與竹同清閉門啗坐渾無
語片月斜將碧影橫

歲寒萬木俱凋盡突見亭亭碧數竿獨坐茆菴塵慮
息清風每日報平安

梅峰

東風昨夜過前峰開遍梅花雪萬重曉起扶筇訪幽
獨暗香疎影月朦朧

贈李鍊師

世人說幻豈成仙今日逢君欲灑然紙上叅同皆漫
語須知真訣本心傳

味泉

古洞寒泉觸處清消消長漱月華明衆皆汲飲獨知
味豈與山人有宿盟

過利國驛和吳令韻

留宿于今十七年追思往事思茫然人生適意無南
北風雨休嗟行路難

睡詩四首

忽聞晴鵲噪簷端瓦隙微明拭目看短夢乍迴湘竹

枕不知紅日上三竿

右晚睡

院深簾靜日如年枕上看書倦即眠偶被雞聲驚午
夢隔籬茶竈起新煙

右午睡

竹梢殘日下西窓一榻清風萬念降睡起脫巾成晚
眺還同隣叟浴晴江

右晚睡

不親燈火常眠早欲息心神每起遲何事近來無一
夢山中習靜已多時

右夜睡

素軒二首

細草滿堦隨意長庭花遶砌逐時開憑軒獨坐無閑
物惟有清風明月來

小軒清晝掩柴扉燕子啣泥遶屋飛忽報扶筇過隣
叟呼童酌酒醉斜暉

節壽

北堂慈竹靜琅玕獨對幽欄月色寒翠葉青枝常不
改春風日日報平安

挽劉生

烏村衆木拱寒煙淡月踈星隱墓田何處冥魂招可
得空餘哀思慘啼鵑

東野圖

煙含綠樹陰初濃雲過青山色猶薄茆齋獨坐罷琴

書石砌蘭叢立孤鶴

觀物亭贈劉黃園

小亭新結絕纖塵閒看亭前物物春誰識淵明千載
後黃園猶有北窓人

靜軒

小結茆軒傍水邊山中無事日如年落花不動遊絲
捲獨倚烏皮看大玄

贈菊隱翁

江畔柴門石徑斜蒼松翠栢隱煙霞茆齋獨立人蹤
寂閒看兒童灌菊花

竹菴

獨向山中構竹菴，開窓日日坐晴嵐。
玉人心事無能識，片月當空浸碧潭。

題畫

輕煙漠漠含山谷，脩竹娟娟覆草亭。
坐倚欄干對新月，湍沙林葉自星星。

羅氏新居成

歲暮遷居迓百祥，連雲傑構倚山岡。
高飛燕雀紛相趣，爲送春聲到草堂。

直方軒

雨過輕煙露竹梢，小溪新水漾青茭。
幽軒靜坐渾無事，閒玩坤元第二爻。

題慈節卷

遊綠清晝靜中閨，脩竹和煙拂檻低。
獨理殘機心似水，不知明月上窓西。

琴樂

松隱幽亭依石麓，雲開小徑傍江濱。
朱絃隨處調山水，不入人間半點塵。

贈隱者

朝觀日出千山紫，暮看霞飛萬樹紅。
草徑竹筇閒引

興偶逢禪叟一談空

幽齋

林深徑仄小齋幽
新水浮花出澗流
習靜始知人境別
山中啼鳥自春秋

晴舟

萬里無雲日正中
江空波靜水溶溶
扁舟偶泊看山色
忽聽楓林晚寺鐘

牧岡

萬木參橫密蔭岡
小溪流水入池塘
前村風送牛羊笛
無數清聲落草堂

洞徹僧

玄雲壁下冥心坐
白日空中飛錫來
龍步鸞聲寂不有
慧門慈室一時開

贈廬墓李孝子

淒淒風雨廬墳側
手把楊枝和淚栽
已見樹高堪立鳥
啼鵲永夜益生哀

平湖

雨過天空湖水平
波光萬頃月華明
扁舟對客恣清賞
赤壁風流共此情

幽軒

隱君默契古人心小結幽軒列四箴
獨坐石床看不厭松林月出落花深

瞻雲卷

鬢邊白髮添堂北天際飛雲滯嶺南
萬里瞻思遙注目海飄沙引益難堪

贈楊州幕叔武

野田春雨驅耕犢湖水秋波泛釣船
蓮幕風清無一事高郵從事衆稱賢

送鄴尹杜昇兼致意六峰太守

衡嶽雲開千樹曉瀟湘雨過萬家春
六峰賢譽聞諸

郡期爾才猷振後塵

送黃材

大江南下皖城西煙浪風帆白日迷
君去公堂知事少千村明月曉聞雞

送張藩幕致事南還

朝傳除䟽恩非薄夕上辭書志亦奇
莫道西湖好風景故山風景更相宜

四女樹別杜尹永昌

風寒雲散雪初晴衛水輕波漾月明
西洛故人情不極河濱設餞夜堂清

界河驛

新松遠映葵心赤短竹斜依石竅青獨坐相看渾不厭數聲啼鳥日將暝

送陳子孝之高郵和甬川韻二首

三世通家交誼舊高郵佐郡簡書新使君心事同

秋水況對湖光迥絕塵

交情對酒渾難別秋思臨風不易裁聞道南州騎竹候使帆遙向日邊來

東塘集卷之十

東塘詩集序

嘉靖丁酉儀以歲覲祗役京輦候謁大司馬中丞東塘毛公臺下時聞公臺就編儀廼請刻于吳以播傳文林公諾焉越己亥秋九月公廼肅將

聖天子明命濯問交南授鉞開府往涖三省煌煌師旌來經蘇臺儀時承乏戎備迎公轅門復申前請公廼出所撰東塘詩集十卷總古今體凡九百一十八首示儀儀遂拜領以歸莊誦有旬辭藻而則調壯而遠思悠而淵事核而贍如登玄圃而琳琅輝粲如翔鄧林而梗柟森竦颯颯乎洋洋乎其超

李唐駕六朝而登于兩漢者乎因展卷而嘆曰我
公之詩邁古今而獨盛者有三焉何則文章隆弊
與代胥爲上下 國初攀

龍之士咸宣效於韜旅戡定以庶功名於竹帛是弗
遑於鉛槧迨至永宣丕闡文教縉紳大夫始有專
圖述作之事培積至於弘德之間古學詆興我公
生丁此期與天下名家括匠爭鑣並驅以成不朽
此曰文運之盛惟昔詩林之談莫優於李杜然徒
崎嶇坎躓困頓於羈栖之境而平生華蘊僅吐而
爲吁嗟愁嘆之風亦何貴於能言也我公嘉際

聖天子禮樂熙朝鴻化宣朗故得從容乎

廟堂優游乎鉛槧而長鳴短詠一切歌舞乎太平
之業若周之大雅然此曰 國運之盛雖然騷雅
之賢或枯槁於駒谷者我公早登甲科佐郡會稽
仁敷德煦著豈弟之績擢拜驄馬翦狐射隼展激
揚之度晉位廷平欽恤弼教而澤究於詳讞撫鎮
西夏春生秋殺而威振於沙漠綏奠之功昭乎天
下其頌之也此曰宦業之盛茲廼本兵握憲兼攝
東坊輔鉉之職湛

恩異數擢動

朝輦推轂閫外往平遠夷神圖

廟筭決勝千里銅柱之勲行將勒之宗彝矣瓊篇
綺撰其出方富而高文鉅集尚俟他日續請鏤梓
以爲學士大夫之快觀也列事旣成儀敬借書于
末云

嘉靖庚子春王正月之望

賜進士出身中憲大夫山東按察司副使奉

敕整飭蘇松等處地方兵備前貴州道監察御史

晚學文安王儀謹撰

東塘詩集後跋

竊觀自昔鴻臣大哲耀嘉聞於當年垂芳聲於
奕嗣其不朽之目曰惟三立矣爾然時代有汗
隆命運有奇耦故修龍德於陋巷者無預於彌
綸之業展鷹揚於廊廟者或歎於文章之藻而
抱經術以白首者恒是也自非

國步之興盛山川之鍾萃君子之全衿不能咸臻
而並美也若我江右大司馬中丞東塘毛公天
挺名世稟中庸之至性抱純粹之上德禮樂居
處而修瑚璉自切而成推孝達忠明禮讓

典之敦久而彌篤金玉之頌天下無間言也
能早籍

帝庭擢叙駟馬三按大藩卓凜風裁晉陟憲臺兩撫

雄省式弘寧奠謹謨夫獻於

宸衷直節昭布於華夷茲且正握夏卿鈔參

東府出師授鉞往征南國裁定之勲又將丕建
矣公之為文本經貫集鈎秦邇漢以博綜之學
宣弘麗之翰形之詩歌古調媿於風雅近體兼
平李唐照耀乎詞壇振動乎文苑則不朽之三
古今之所難兼者公咸有之可謂鮮矣譬之崑